



## Spáum 0,2% hækkun vísitölu neysluverðs í apríl

Hagstofan birtir marsmælingu vísitölu neysluverðs (VNV) fimmtudaginn 27. apríl. Hagfræðideild Landsbankans spáir því að vísitalan hækki um 0,2% milli mánaða. Gangi spáin eftir helst ársverðbólgan óbreytt í 1,6%


Við gerum ráð fyrir mjög líttli breytingu á milli mánaða á flestum undirlíðum vísitölunnar. Það eru einungis fjórir liðir sem hafa teljandi áhrif á spá okkar:

- **Reiknuð húsaleiga** (+0,21 prósentustig). Seinustu þrjá mánuði hefur þessi liður hækkað að meðaltali um 1,5% milli mánaða. Við gerum ráð fyrir að hækkunin nú verði í takti við það.
- **Húsnæði án reiknaðrar húsaleigu** (+0,08 prósentustig). Greidd húsaleiga hækkar í takt við hækkandi fasteignaverð.
- **Póstur og sími** (-0,06 prósentustig). Gerum ráð fyrir áframhaldandi lækkun á farsíma- og internetþjónustu.
- **Matur og drykkjarvörur** (-0,06 prósentustig). Reiknum með lítilsháttar lækkun á verði á matvælum.

Evran hefur hækkað um 3,62%, Bandaríkjadalur um 3,0% og breska pundid um 5,3% milli mælinga á vísitölunni. Mikil styrking krónunnar á seinasta ári ætti að vega einhverju leyti upp á móti þess veikingu.


Spáin nú er 0,1 prósentustigi hærri en bráðabirgðaspá okkar frá því í mars. Skýrist það af gengisveikingu og vaxandi spennu á fasteignamarkaði.

Niðurbrot á spá Hagfræðideildar



Heimild: Hagfræðideild Landsbankans

Mánaðarbreyting VNV í apríl



Heimild: Hagstofa Íslands, Hagfræðideild Landsbankans



## Gerum ráð fyrir um 2,0% verðbólgu í júlí

Bráðabirgðaspá fyrir næstu þrjá mánuði:

- **Maí: +0,3%**  
Matur, drykkjarvörur og reiknuð húsaleiga hækka.
- **Júní: +0,2%**  
Reiknuð húsaleiga og flugfargjöld til útlanda hækka.
- **Júlí: +0,1%**  
Matur og drykkjarvörur, reiknuð húsaleiga og flugfargjöld til útlanda hækka. Föt og skór lækka


Gangi spáin eftir verður ársverðbólgan 2,0% í júlí.

## Húsnæðisverð og krónan áhættuþættir

Helstu áhrifaþættir sem við horfum til varðandi þróunina næstu mánuði eru eftirfarandi:


- Hækkun húsnæðisverðs er aðaldrifkraftur verðbólgunnar nú. Við gerum ráð fyrir að hækkunir næstu mánuði verði svipaðar og verið hefur seinustu mánuði. Hækki húsnæðisverð meira mun það að öðru óbreyttu hafa í för með sér hærri verðbólgu.
- Óvissan um gengi krónunnar hefur aukist nokkuð seinustu mánuði meðal annars vegna afléttingu fjármagnshafta. Þetta veldur meiri óvissu í verðbólguhorfum.
- Það styttist í opnun Costco hér á landi. Athyglisvert verður að fylgjast með áhrifum verslunarinnar á verðlag.

### Verðbólguþrá



Heimild: Hagstofa Íslands, Hagfræðideild

### Gengisþrá



Heimild: Thomson Reuters Datastream

Innihald og form skjals þessa er unnið af starfsmönnum Hagfræðideildar Landsbankans hf. (hagfraedideild@landsbankinn.is) og byggist á aðgengilegum opinberum upplýsingum á þeim tíma sem greiningin var unnin. Mat á þeim upplýsingum endurspeglar skoðanir starfsmanna Hagfræðideildar Landsbankans á þeim degi þegar greiningin er dagsett, en þær geta breyst án fyrirvara.

Landsbankinn hf. og starfsfólk hans taka ekki ábyrgð á viðskiptum sem byggð eru á þeim upplýsingum og skoðunum sem hér eru settar fram, enda eru þær ekki veittar sem persónuleg ráðgjöf fyrir einstök viðskipti.

Bent skal á að Landsbankinn hf. getur á hverjum tíma haft beinna eða óbeinna hagsmuna að gæta, ýmist sjálfur, dótturfélög hans eða fyrir hönd viðskiptamanna, s.s. sem fjárfestir, lánardrottinn eða þjónustuaðili. Greiningar eru engu að síður unnar sjálfstætt af Hagfræðideild Landsbankans og innan Landsbankans eru í gildi reglur um aðskilnað starfssviða sem eru aðgengilegar á vef bankans.